



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Fasti Mariani**

**Brunner, Andreas  
Pfeffer, Wilhelm**

**Antverpiæ, [1659 erschienen] 1660**

SS. Menodora, Metrodora, Nymphodora, VV. MM. 10. Sept.

**urn:nbn:de:hbz:466:1-42032**

audisset (*Nolite diligere mundum, neque ea que in mundo sunt*) quasi uni illi dictum esset, extemplo ad eos Anachoretas abiit, qui D. Augustinum æmulantur. Ibi facile ostendit, quàm mundum mundi que omnia odisset. Sacerdos ubi primitiæ litare cœpit, è piacularibus flammis umbra adfuit, abduxit que ad immania tormentorum ergastula. Ibi simul hæc, simul sociæ umbræ omnes patronum sibi NICOLAVM légerunt; pro quibus cum ille ad aram aliquoties dixisset, partem longè maximam à suppliciis absolvit. Sub hæc cum eum è cognatis unus aliquis à Religionis amore abducere & mundo iterum conciliare pessimè conciliatus admitteretur, surdum scilicet reperit. At faciles aures invenerunt è cælo vates, qui obituum feliciter NICOLAVM Tolentini cecinerunt. Eò enim occyus abiit, stellâ duce, quæ ibi demum constitit, ubi rumulatus postea fuit. Morituro jam jam Christus cum Matre & D. Augustino obvius venit, cum sex ante mortem mensibus quotidie sub noctem Angelorum concentus audisset, manifesto indicio, quàm non longè à cælo abesset. *Ex Surio.*

*Vis scire quales De minus quarat ornatus? Habet Prudentiam, Iustitiam, Téperantiã, Fortitudinem, his cali plagis includere; hæc te quadriga velut arvigam Christi ad metam concita ferat: nihil hoc monili pretiosius. S. Hieron. ep. 2.*

SS. MENODORA, METRODORA,  
NYMPHODORA. VV. MM. 10. Sept.

**I** Terum Virgines Martyres aspicias, hoc est, rosas & candore & purpurâ suâ nobiles, pulcherrima virtutis mixturâ MENODORA est, METRODORA

& NYMPHODORA sorores & è Bithyniâ oriundæ. Hæ quò securior sive ab aperta vi, sive proditione pudor foret, collem omnes desertum infederunt, munimentum virtutis ingens & propugnaculum. Solæ tamen, etsi maximè volebant, minimè poterunt esse: virtus enim, ut ferè sit hospites, ex omni loco excivit; & fuere crebra miracula ad convocandam multitudinem turbæ instar. Sed uti inter spectatores alios admiratores castitas, ita alios hostes habet. Inter hos infestissimum Frontonem vidisse omnibus machinis oppugnare virginitatis castrum. At huic animus etiam crevit in pugna, auditaque inter omnia tormenta una eademque omnium vox velut tessera pugnantium: *Agnosces Christe sponsas tuas coram Patre, quem coram hominibus neque sanguine fateri erubescimus*. Interea MENODORA inter virgas moriendo vincit, & salvum virginitatis scutum patriæ celo ostentat. Sororibus ad demortuæ conspectum etiam animus accedit. Quare post faces ardentes & equuleum METRODORA, post uncus ferreos NYMPHODORA vectibus cæse geminarunt triumphum, in quo dum corpora in flammis projiciuntur, alia flamma celo delapsa iudicem omnemque tortorum manipulum momento in cineres vertit. At ex illis aliis flammis tergeminus celo Phoenix prodit & vanitatis accusavit, scilicet poetas, unicū tantum esse jurantes. *Ex Surio.*

*Sicut peccati cogitatio decolorat, affectio vulnerat, sic consensus omnino animam necat: caveamus ergo cogitationes inutiles, ut animarum nostrarum factus decora permaneat; quòd si noxia cogitatio subierit, laboremus citius abluere sordes, quibus nos maculari conspiciamus.* S. Bern. serm. de car. Cut. & Quæ.

S. Eu-